

Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

6. Blasphemiæ, apud Christianos, crima sunt pœnis dignissima.

urn:nbn:de:hbz:466:1-45699

ties enim pestem, quoties subitaneam mortem, quoties sibi inuncum diabolum raporem, & cum temporali aeternam mortem optant? Si vocis mortalium Deus annueret, si ad Duras eorum statim fulminaret, vix ullus jam hominum superesset. Misericordia Domini, quia non sumus consumpti: quia non defecerunt miserationes eius. Clementia igitur illius laudanda est etiam ab ijs, qui inter medios hostes versantur. Nam dum armis castigat, mitioribus purgat meritos atrociora. Multi haec fatentur, plurimi agnoscent, nemo est qui ignoret; cur igitur, quando acerbior provinciam aliquam casus, aut tristior clades affigit, vel atterit, in maledicta, blasphemias, conuitia erumpunt? cur militi, Ducibus, Principibus, hostibus, amicis omnibus dira imprecantur? cur omnes optant in natura rerum eliminatos? ut non iam regna in terris, aut Respublicæ Christianæ, sed vestibilia Inferorum esse videantur? Omnibus malorum caussis irascuntur, praeterquam vereis, hoc est, vitijs, & sibi ipsis.

VI.

Alia vitia etiam alibi sunt magna, blasphemiae autem, apud Christianos, maximæ. Quippe hoc malum Christianis, & verum Deum agnoscensibus magis imputatur, immo proprium est. Maledicere enim idolis, & dæmonibus malis non grande malum: interdum pietas censetur. Si quis apud Hebræos, florente illa Rep. & Ecclesia, vel unicam blasphemiae vocem protulisset, sine remissione supplicium erat lapidatio, atrox, & diuturnum mortis tormentum. Quid igitur queri potest Christianus, si damna patitur? si exactionibus attenuatur? si opes prædo diripiunt? si tenui victu degere cogitur? si carcer spoliatum manet, aut exilium? Nondum toto corpore tuber, nec vulnus est: nondum monte lapidum regitur; & hoc tamen jure supplicium irrogari potuit. Si igitur medium malis quærimus, blasphemantes, imprecantes, maledicentes, legum poenis coercendi sunt, ne in medio dolore & lachrymis diuinam iram prouocantes plagas nostras exasperemus. Non negligenda cetera remedia, sed hoc in primis curandum est vieti, quod suppicio suo crescit. Superbia verberibus detumescit: libidines cetera cladibus oppressæ mitescunt: ira, clamor, maledicta, blasphemiae, diræ aduersis augmentur; nam ex illis oriuntur; & cum patientia deest, in Dei hominumq; contumeliam erumpunt;

& re-

& velut oleo caminum tribulationis ascendunt. Dignus est plagi multis, qui alijs multas imprecatus est. Immò dignus est pati omnia, quæ proximum pati voluit. Hic suam quisque conscientiam conueniat, & si iustè iudicavit, cauillas & eorum, quæ patitur, & innumerabilium suppliciorum inuenit; neque jam amplius Deum, sed semetipsum accusabit.

C A P V T . L X V .

Expositio presentis Ecclesiarum status, ex D. Basilio Caſarea Cappadociae Archiepiscopo, re & nomine Magno.

Titulum S. Basiliū seruauī, quia satis etiam nostro sēculo congruit. Rem autem ipsam huc apponendam censui, ut appareret, non nos solos tempestate iactari, sed alios quoque olim similes procellas sustinuisse: quod, ut pro exemplo est, ita etiam pro solatio esse potest. Multi enim tempora nostra traducunt, tamquam nimis iniqua, infelicia, calamitosa; quia non considerant vetera vitijs deformia, bellis cruenta, elusionibus, siccitatibus, morbis horrida. Hinc clades publicas Ecclesiae alij mirantur; aduersis alij nimium dolent; qui scilicet male comparatos habent animos; qui, ut vulgus hominum plerumq; solet, sui temporis calamitates maximas esse arbitrantur; non quod ita sit, sed quia sentiuntur acri dolore: illa priscae autem iuunda curiositate leguntur. Itaque qui in lege Domini non meditationur, qui in charitate radicati non sunt, qui iustitiam Dei perspectam non habent, cladibus publicis & priuatis irascuntur, Deum hominesque accusant. At quorum animos cœlestis magister Spiritus Dei instruxit, non mirantur, quasi insolitus, cuius causa sit in abdito, cum in haec mala conditos homines norint, cum primordio Mundi numquam defuisse meminerint; cum socios ut culparum, ita etiam pœnarum præcessisse viderint; neque dolent, quia virtutis exercitium agnoscunt. Immo Numini non succendendum, sed gratias agendas profitentur, quia benevolentiam paternam in flagellatione suspiciunt; persecutionem & dolores, non pacem & voluptates promitti sibi audierunt, cum Christo nomen, corpus, animam dederunt. Audiamus ergo S. Basiliū, & presentis Ecclesiarum status expositionem ex illo intelligamus.

Cui

I.